

مجله مطهره

مجله مطهره را اداره :

جفاله اوغلتنده امنیت
صندوقی حوارینده
شکول یقوشنده
۲۵ نومرو

اظهار :

مسلمکزه موافق آثار
جدیده مع المنونیه
قبول اولنور
درج ایدلمه یل آثار اعاده اولنماز

دیده ، فلسفه ، علوم ، حقوق ، ادبیات ، تاریخ ، سیاست ، دین ، احوال و شئون اسلامیه و بحث ایبر و هفته ده بر نشر اولنور .

آبونه بدلی

صاحب و مؤسسلری :

ابوالعلا زین العابدین - ح . اشرف ادیب
تاریخ تأسیسی

سنه لکی
مالک عثمانیه ایچون ۶۵
روسیه ۶۵
سائر مالک اجنبیه ۱۷

در سعادته نسخه سی ۵۰ پاره در

قیرله دن مقوا بوزو ایله کوندربلیرسه سنوی
۲۰ عروش فضله آلتیر

۱۰ تموز ۳۲۴

عدد : ۱۲۴

۱۷ محرم - پنجشنبه ۵ کانون ثانی ۳۲۶

بشنجی جلد

التجرید الصریح

لاحادیث الجامع الصریح

۴۰ - حدیث شریف

۴۰ - ترجمه

عن عائشة رضي الله عنها ان النبي صلى الله عليه وسلم دخل عليها وعندها امرأة . فقال [۱] من هذه . قالت فلانة تذكر [۲] من صلاتها . قال مه عليكم بما [۳] تطيقون فوالله لا يعمل الله حتى تملوا وكان احب [۴] الدين اليه [۵] . ماداوم عليه صاحبه [۶] .

عائشه رضي الله عنها دن روايت اولونور كه : ياننده بر قادين وار ايكن نبي مكرم صلى الله عليه وسلم آلك نزيسته كيردي . « بو قادين كيمدر . ؟ » ديه صوردی . عائشه رضي الله عنها : « فلانجه در . » دیدی . وقيلديني نماز (لر) ی آ کلا تمغه باشلادی . رسول الله صلى الله عليه وسلم ايسه : « (بو سوزی) براق . دائما يايه بيلاه جككز شيلره مداومت ايديكز . يوقسه والله سز اوصا تمغه الله اوصا نماز » بويوردی . (عائشه رضي الله عنها دير كه رسول الله صلى الله عليه وسلمك اك زياده سوديكی دين (يعنی طاعت) ، صاحبي طرفندن دوام اوزره ياييلانلر ایدی .

[۱] ديكر نسخه يالكز (قال) . [۲] ديكر روايتده مجهول صيغه سيله (يذكر) . [۳] ديكر روايتده (عليكم ما) . [۴] منصو در . ديكر روايتده ايسه صر فو در . [۵] ديكر روايتده (الى الله) . [۶] بر نسخه ده (ماداوم عليه صاحبه) كله لری سا قاطر .

۴۱ - حدیث شریف

۴۱ - ترجمه

عن انس رضي الله عنه عن النبي صلى الله عليه وسلم قال يخرج [۱] من النار من قال لا اله الا الله وفي قلبه وزن شعيرة من خير [۲] ويخرج من النار من قال لا اله الا الله وفي قلبه وزن برة من خير . ويخرج من النار من قال لا اله الا الله وفي قلبه وزن ذرة من خير .

انس رضي الله عنه دن نبي محترم صلى الله عليه وسلمك شويلاه بويورديني روايت اولونيور :

(لا اله الا الله) ديوب ده قلبنده بر آره آغير لغنه خيره (يعنی ايمان) بولونان كيمسه جهنمدن چيقه جقدر . (لا اله الا الله) ديوب ده قلبنده بر بوغداي آغير لغنه خيره (يعنی ايمان) بولونان كيمسه جهنمدن چيقه جقدر . (لا اله الا الله) ديوب ده قلبنده بر ذره آغير لغنه خيره (يعنی ايمان) بولونان كيمسه جهنمدن چيقه جقدر .

[۱] ثلاثيندر ومعلومدر . ديكر روايتده مجهول اوله رق افعالنددر . ديكر ايكي سي ده بويله در . [۲] بو حديثك تمغه سنبدنه بخارينك ديكر روايتده

كوره (من ايمان) ديكر ايكي سي ده بويله در .

۴۲ - حدیث شریف

عن عمر بن الخطاب رضي الله عنه ان رجلاً من اليهود قال له يا امير المؤمنين آية في كتابكم تقرؤها لوعلينا معشر اليهود نزلت لاتخذنا ذلك اليوم عيداً . قال اي آية هي . [۱] قال اليوم اكملت لكم دينكم و اتممت عليكم نعمتي ورضيت لكم الاسلام ديناً . فقال [۲] عمر قد عرفنا ذلك اليوم والمكان الذي نزلت [۲] فيه على النبي صلى الله عليه وسلم [۴] وهو قائم بعرفة يوم الجمعة [۵]

[۱] الہدی بخاری نسخہ لرنده (عی) بوقدر . [۲] دیگر روایتہ بالکثر (قال) . [۳] دیگر نسخہ لرنده (انزلت) . [۴] دیگر روایتہ (علی رسول اللہ صلی اللہ علیہ وسلم) . [۵] دیگر روایتہ (یوم الجمعة) .

۴۳ - حدیث شریف

عن طلحة بن عبيد الله رضي الله عنه يقول جاء رجل من اهل نجد الى رسول الله صلى الله عليه وسلم [۱] ثائر الرأس نسمع [۲] روى صوته ولا نفقه [۳] ما يقول حتى دنا فاذا هو يسأل عن الاسلام فقال رسول الله صلى الله عليه وسلم خمس صلوات في اليوم والليلة . فقال [۴] هل على غيرها . قال لا الا ان تطوع . قال [۵] رسول الله صلى الله عليه وسلم وصيام [۶] رمضان . قال هل على غيره . قال لا الا ان تطوع . قال وذكره رسول الله صلى الله عليه وسلم الزكاة . قال [۷] هل على غيرها . قال لا الا تطوع . قال فادبر الرجل وهو يقول والله لا ازيد على هذا ولا انقص . قال رسول الله صلى الله عليه وسلم افلح ان صدق .

[۱] دیگر روایتہ (رجل الى رسول اللہ صلی اللہ علیہ وسلم من اهل نجد) . [۲] دیگر روایتہ بقاء مجهول اوزرہ (يسمع) . [۳] بنہ اور روایتہ بنہ بقاء مجهول اوزرہ (ولا يفقه) . [۴] دیگر روایتہ بالکثر (قال) . [۵] دیگر روایتہ (فقال) . [۶] دیگر روایتہ (وصوم) . [۷] دیگر روایتہ (فقال) .

۴۴ - حدیث شریف

عن ابی هريرة رضي الله عنه ان رسول الله صلى الله عليه وسلم قال من اتبع [۱] جنازة مسلم ايماناً واحتساباً وكان معه [۲] حتى يصلي [۳] عليها ويفرغ [۴] من دفنها فانه يرجع من الاجر

۴۲ - ترجمہ

عمر بن الخطاب رضی اللہ عنہ روایت اولونیورک یہودین برکیمسہ اوکا : « یا امیر المؤمنین ، سزک کتابکزدہ او قومقدہ اولدیفکزی بر آیت وارد کرکہ بز یہودیله نازل اولش اولیدی یوم نزولنی بایرام ایدردک » دیمش . (عمر رضی اللہ عنہ) : « هانکی آیتدر او ! » دیه صورمش . (یہودی) : « اليوم اكملت لكم دينكم و اتممت عليكم نعمتي ورضيت لكم الاسلام ديناً [۱] » جوابی ویرمش . بونک اوزرینہ عمر (رضی اللہ عنہ) دیمش کہ : « بز بو آیت کریمہ نک نازل اولدیغنی کونی ده ، یری ده (حقیقہ) بیلورز . (بو آیت کریمہ) نبی مکرم صلی اللہ علیہ وسلمہ بر جمعه کونی عرفه ده (وقفه ده) قائم ایکن نازل اولمشدر . » [۱] آیت کریمہ نک مال عالیسی : ای مؤمنلر ! سزه دینکزی ایشته بوگون ا کمال ایتم . اوزرکرده کی نعمتی اتمام و (بوتون ادیان آره سندن) اسلامی سزه دین (مقبول) اوله رق آیردم .

۴۳ - ترجمہ

طلحة بن عبيد الله رضي الله عنه شويه ديدني روایت اولونیور : نجد اهل السند صاچی باشی طارمه طاغین (فقیر) برکیمسہ (حضور) رسول اللہ صلی اللہ علیہ وسلمہ کادی . اوزاقدن سسنی قارمه قاریشیق طویور فقط نه سویلدیکی آ کلامیوردق . نہایت یا قلاشدی . مکر اسلامک نه اولدیغنی صوریورمش . (بوسؤالنه قارشو) رسول اللہ صلی اللہ علیہ وسلم : « بر کون ، بر کیجه ایچنده بش نماز » بویوردی . (آدجغز) : « اوزرمدہ بونمازلردن باشقه سی ده اوله جقمی ؟ » دیه صوردی . « خیر . مکرکه تطوع ایدہ سک (یعنی کنندیلککندن قیلہ سک) » جوابی ویردی . آندن صوکره رسول اللہ صلی اللہ علیہ وسلم : « برده رمضان اوروچی » بویوردی . (آدجغزینہ) : « اوزرمدہ بوندن باشقه سی ده اوله جقمی ؟ » دیه صوردی . اوده : « خیر . مکرکه تطوع ایدہ سک » جوابی ویردی . - طلحة رضي الله عنه دیرکه رسول اللہ صلی اللہ علیہ وسلم زکاتی ده اوکاسویلدی . (آدجغزینہ) : « اوزرمدہ بوندن باشقه سی ده اوله جقمی ؟ » دیه صوردی . بنہ (رسول اللہ صلی اللہ علیہ وسلم) : « خیر . مکرکه تطوع ایدہ سک » جوابی ویردی . بونک اوزرینہ (نجدی فقیر) : « والله بوندن نه آرتیق ، نه اکسیک برشی یاپه جق دکم » دیهرک و آرقه سنی دونه رک کیتدی . (بونی طویورنجه) رسول اللہ صلی اللہ علیہ وسلم : « اکر طوغری سویلیورسه فلاح بولدی » بویوردی .

۴۴ - ترجمہ

ابو هريرة رضي الله عنه روایت اولونیور : هرکیم ایمانی سبیلہ و (فضل الہی) اومارق بر مسلمان جنازہ سی آرقه سندن کیدوبده اوزرینہ نماز قیلنجیه قدر و دفندن فراغت ایدیلنجیه قدر برابر بولونورسه ایکی قیراط اجر ایلہ دونرکه قیراط لک هر بری

بقیراطین کل قیراط مثل احد . ومن صلی علیہا ثم رجع قبل ان تدفن فانه يرجع بقیراط .

[۱] دیگر روایتده (من تبع) . [۲] دیگر روایتده (معها) . [۳] لام مکسوردر . دیگر روایتده بناء مجهول اوزره وفتح لام ایله در . [۴] بوده بناء مجهول ایله روایت ایلمشدر .

۴۵ - حدیث شریف

عن عبدالله بن مسعود رضی الله عنه ان النبی صلی الله علیه وسلم قال سباب المسلم فسوق وقتاله كفر .

۴۶ - حدیث شریف

عن عبادة بن الصامت رضی الله عنه ان رسول الله صلی الله علیه وسلم خرج يخبر بليلة القدر فتلاحي رجلا من المسلمين فقال اني خرجت لاخبركم بليلة القدر وانه تلاحي فلان وفلان فرفعت وعسى ان يكون خيرا لكم . التمسوها [۱] في السبع واتسع [۲] والخمس .

[۱] دیگر روایتده (التمسوها) . [۲] دیگر روایتده (في التسع والسبع) .

۴۷ - حدیث شریف

عن ابی هريرة رضی الله عنه قال كان رسول الله صلی الله علیه وسلم [۱] يوماً بارزاً [۲] للناس فأتاه رجل [۳] فقال ما الايمان . قال الايمان ان تؤمن بالله وملائكته وبلقائه ورسله [۴] وتؤمن بالبعث . قال ما الاسلام . قال الاسلام ان تعبد الله ولا تشرك به [۵] وتقيم الصلاة وتؤتي [۶] الزكاة المفروضة وتصوم رمضان . قال ما الاحسان . قال ان تعبد الله كأنك تراه فان لم تكن تراه فانه يراك . قال متى الساعة . قال ما المسؤول عنها [۷] باعلم من السائل وسأخبرك عن اشراتها : اذا ولدت الامة رهبا واذا تطاول رعاة الابل البهم [۸] في البنیان في خمس لايعلمهن الا الله . ثم تلا النبی صلی الله علیه وسلم ان الله عنده علم الساعة الآية [۹] ثم ادبر فقال ردوه فلم يروا شيئاً . فقال هذا [۱۰] جبریل جاء يعلم الناس دينهم .

[۱] دیگر روایتده (كان النبي صلى الله عليه وسلم) . [۲] (أتاه جبريل) . [۳] (بارزاً يوماً) . [۴] (ورسله) . [۵] (به شياً) . [۶] (الده) بخاری نسخله (وتؤتي) . [۷] دیگر روایتده (عنها) . [۸] (يوقدر) . [۹] هم مرفوع هم مجرور اوله رفق مريد . [۱۰] (وینزل الآية) . دیگر روایتده (علم الساعة ثم) . [۱۱] دیگر روایتده (ان هذا) .

حسد (طاغی) قدردر . هر کیم اوجنازه اوزرینه نماز قیلارده دفن اولونمازدن اول دونرسه (یا لکنز) بر قیراط (اجر) ایله دونمش اولور .

۴۵ - ترجمه

عبدالله بن مسعود رضی الله عنہن نبی محترم صلی الله علیه وسلمک : «مسلمانانی سوومک فسق ، آنکه قتل ایتک کفردر » بویوردینی روایت اولونیور .

۴۶ - ترجمه

عبادة بن الصامت رضی الله عنہن روایت اولونیور که رسول الله صلی الله علیه وسلم قدر کیجه سنی خبر ویرمک اوزره (خانه سعادتندن) چیقدی . دیرکن مسلمانلردن ایکی کیشی غوغا ایتدیلر . بویوردیلر که : «بن سزه قدر کیجه سنی خبر ویرمک اوزره چیقشدم . فلان ایله فلان غوغا ایتدیلرده (ارکا دائر اولان بیلمکی) رفع اولوندی . احتمال کاده حق کزده بودها خیرلیدر . آرتق سز قدر کیجه سنی (یکرمیدن صو کره کی) یدنجی ویا طقوزنجی ویا بشنجی کیجه لرنده آریکنز .»

۴۷ - ترجمه

ابو هريرة رضی الله عنہ شویله دیدیکی روایت اولونیور : برکول رسول الله صلی الله علیه وسلم خلقه کوزو کشدی . (باننه) بری کلوب : «ایمان نه در ؟» دیه صوردی . «ایمان الله و ملائکته ، الله ملاقی اولمغه (یعنی رؤیة الله) و پیغمبرلرینه اینانمق کذلک (اولدکن صکره) دیر یلمکه اینانمقدر .» جوابی ویردی . یا اسلام نه در ؟ دیدی . اسلام الله عبادت ایدوب (هیچ برشی) اوکاشریک اتخا ایتهمک ، نمازی اقامه و فرض ایدمش ارلان زکاتی ادا ایتک ، رمضانده اوروج طوتمقدر . بویوردی . (آندن صو کره) : «احسان نه در ؟» دیه صوردی . الله کوربور مشسک کبی عبادت ایتمکدر . اکر سن اللهی کورمیور سهک شبه سز اوسنی کورور . بویوردی . «قیامت نه زمان ؟» دیدی . (بونک اوزرینه) بویوردی که : «بومسئله ده صورولان صوراندن ده عالم دکادر . شو قدر وارکه (قیامتندن اولک ظهور ایده جک) علامت لردن خبر ویره بیلیرم . نه زمان (صاتلمش) جاریه افندیسنی طوغورور ، دیلمسز دوه چوپانلری (یوکسک) بناقور مقده بربریه یاریشه چیقارلرسه (اوزمان قیامت قوپار) که (بونک و قتی) اللهندن باشقه کیسه نیک بیلمدیکی بششیدن بریدر . و آندن صو کره نبی محترم صلی الله علیه وسلم (ان الله عنده علم الساعة وینزل الغیث و یعلم ما فی الارحام و ماتدری نفس ماذا تکسب غدا و ماتدری نفس بای ارض تموت [۱]) آیت کریمه سنی تلاوت بویوردی . دیرکن (کلن آدم) آرقه سنی دوندی (کیتدی) . رسول الله صلی الله علیه وسلم «اونی جویرک» دیه امر ایتدیسده ایزنی بوله مدیلر . بونک اوزرینه بویوردی که : «ایشته بوجبریل (علیه السلام) در . خلقه دینلرینی اوکرتک ایچون کلدی .» [۱] آیت کریمه نیک مال عالیدی : قیامتک و قتی حقنده کی علم شبه سز الله مخصوصدر . یاغموری (ایستدیکیری استدیکیری و قنده) او یاغدریر . قادین رحلمنده کی محمولر (ارککمی دیشیمی) او بیلیر . هیچ بر کیسه یارین خبر ، هر نه قازانه حقنی بیله من . هیچ بر کیسه هانکی طو بر افده اوله جکینی بیله من . اه . والله اعلم . احمد نعیم

اصلاح مدارس مناسبتیه

محترم خواجه‌لر من پینده اصلاح مدارس مسئله‌سی اولندن بری موضوع بحث اولیوردی . اسلامیتک ، مسلمانلرک آتیسيله پک زیاده علاقه دار اولان شو مسئله اعلان حریتی متعاقب اهمیتیه متناسب بر طرزده تازه‌لرک باشلادی . طلبه علومده کنديلرینک تحصیللری ، حیاتلری ، استقباللری نقطه نظرندن پک مهم اولان شو مسئلهیه قارشو بیگانه قاله‌مازلدی . فقط آرالرنده هنوز منتظم بر تشکیلات بولمادیغندن آرزولرینک میدانده کسچون تشبثات مشوره ابراز ایدهمیور ونه بولده حرکت ایتک لازم کلدیکنی بیه میورلردی . نته کیم اوزمانلر طلبه علومک تشبیه دور سابق درس وکیلک تبدیلی شو کیزلی آرزولرک بر نتیجه فعلیه‌سی اولمق اوزره تلقی اولنه بیلیر . .

شانی حریت اردوسنک استانبوله دخولی متعاقب شو احتیاج کرک خواجه‌لر مزجه ، کرک طلبه علومجه ده پروزسز ، ده واضح بر صورتده آکلاشیلدی . . . آرتق مرجع عائدینک ، باب مشیختک بو مسئلهیه قارشو لاقید قلمسی امکان خارجنده ایدی . اشته بونک اوزرینه درکه سابق شیخ الاسلام حسنی ردرس وکیلی خالص افندیلر طرفندن ده بر جوق درسار علاوه ایتک صورتیه درس پروغراملرنده برنوع تبدیلات اجرا ایدیلدی . . .

شو تبدیلات ، اصلاح مدارس نقطه نظرندن پک صوری بر حرکت اولمقله برابر ، ایلرویه طوغره بر خطوه اولدیغنی تسلیم ایتمه‌ک انصافمزلق اولور .

فقط افکار عمومی ، خواجه‌لر ، طلبه ، ایلرویه طوغره آتیلش اولان بو خطوه‌نی کافی کورمدیلر . ذاتاً حقاری ده واردی . چونکه بونلر مدارسجه حقیقی بر اصلاحاتک وقوعنه منتظر بولنیورلردی . بوتبدیلات ایسه حقیقی بر اصلاحات دکل ، صوری بر شیدن عبارت ایدی . طلبه علوم بونکله چوقدن بیقمش اوصانمش اولدقاری حیات تحصیللرنده ذره قدر خیرلی بر انقلاب حصوله کلمش اولدیننی کوردمدیلر . هپ اوسکی تفسخ ایتش حیاتلری دوام ایدوب کیدیوردی ، دیگر طرفدن درسارده ده هیچ بر تحول و ترقی کورولمیوردی ، اصول تدریس ده هپ اوسکی اصول ایدی . فن درسارندن ده استفاده ایدیه میوردی . چونکه بو درسارده بوتون مناسیله انتظامسز کیدیوردی . خلاصه بوتون شو تبدیلات طلبه حیاتنده بر قارغه‌شه‌لق تولیدندن باشقه هیچ بر ایشه یارامدی .

خواجه‌لر ده ممنون اولمادی . چونکه خواجه‌لر شو تبدیلاتده کنديیلری ایچون جزئی اولسون فائده‌لی بر حصه اولمادیغنی کوردیلر . بوندن ماعدا عهده‌لرینه تطبیقی غیر قابل بر پروغرام تحمیل اولمشیدی ، که بوده‌انلرک وجدانلری نی یاقوب قاوور یوردی . .

ایشته بوتون شوملاحظه‌لر دن طولایی کرک خواجه‌لر ، کرک طلبه علوم بوتبدیلاته اصلاحات نظریه باقمیدیلر ، قابلنده ده بر اطمنان کوردمدیلر . ینه بتون آرزولریله حقیقی بر اصلاحات منتظر قالدیلر .

ذاتاً بودفعه مقام معلائی مشیختی ترقی‌پرور ، متفکر بر ذات عالی - موسی کاظم افندی حضر تلی - اشغال ایدیوردی . خواجه‌لرک طلبه علومک آرزو ایتدیکاری مدارسک اصلاحاتی لزومنی آنلر قدر تقدیر ، آنلر قدر آرزو ایدوردی . چونکه کنديیسه ده او مدرسه‌لر محیطندن یتشمش ، فقط فکریله ، عرفانیله ترقی و تعالی ایتش بولندیغندن مدرسه‌لرده ، درس پروغراملرنده ، طلبه علوم حیاتنده بولنان بوتون خطالری بوتون نقصانلری ده زیاده تقدیر بیوریوردی . برده فضاه اوله‌رق اساس مسئله‌ده اولان بو خطالرک ، بو نقصانلرک ، اسلامیتک آتیس ایچون بیوک بر تهلمکه اولدیغنی یقیناً بیلوردی . بناءً علیه بوبابده لازم کلن اصلاحاتی یا یق ایچون کال صفوت و خلوصله ایلک فرصتی مترقب بولنیوردی .

نهایت کچنلرده حال و زمان ایل ، احتیاج ایل متناسب بر طرزده مدارس اسلامیه‌نک اصلاحی ایچون با امر جلیل مشیختپناه ایچون مخصوص تشکیل اولندیغنی کوریلدی .

شو تشبث مهمک بالعموم طلبه علوم محافلنده ، مدرسه‌لرده کال مسرتله آفیشلانمقده اولدیغنی ایشیدیلور . یالکیز محترم خواجه‌لر مزک و طلبه علومک دکل ، بلکه احوال زمانه آز چوق مطلع ، عقلی باشنده بالعموم مؤمنین و مسلماننک عن صمیم القلب بوکا اشتراک ایدجهکنده شبهه ایدیلر من . چونکه بو مسئله اولیه بر مبرمیت قطعی کسب ایتشدیرکه بونی آکلاماق ایچون مطلقاً احوال زماندن ، عالم اسلامدن ، هله کور - زمزک اوکنده مملکتیمزده جریان ایدن وقوعاتدن ذره قدر خبردار اولماق ایجاب ایدر .

کوریلدیورکه عالم اسلامک هر طرفنده ، حتی هر گوشه سنده بر اثر انتباه ، بر حرکت وار . مسلمانلر آرتق کنديیلرینی ، دوستلرینی ، قرداشلر لرینی طایفه باشلامشدر . بو انکار اولنه‌ماز بر حقیقت محضه حالنی آلمشدر . بتون بوکا رغماً بز عثمانی مسلمانلری ، هله خواجه‌لر من و طلبه علوممزدار اسلامده مرکز خلافت ارلان بر مملکتنده بولندیغمن حالده ، شیمدییه قدر اولدیغنی کبی ، بوندن بویه‌ده غافل بولنور ایسه‌ک عالم اسلامه قارشو غنو اولماز بیوک بر مسئولیت آلتده قالیرز .

بزم بتون خطالرمز ، بتون قصورلرمز عالم اسلامک هر طرفنده آجی تأثیرلر بر اقیور . بوکون آبی کوتو هیچ بر حرکتیمز عالم اسلامک نظر تفتیش و تنقیدندن کیزلی قالمیور . هله مدرسه‌لر مزک پریشانلی ، روحسزلنی ، عامیه مزک عجز و فتوری ، مسلکسزلکی او قدر محق تنقیدلره اوغرایورکه انسان بونلری ایشیتدکجه ، محجوبیتندن نه دیه جکنی بیه میور .

فقط اعتراف ایتلیز . . بز عثمانی خواجه‌لری ، طلبه من ، تنقیده خیر بالانمغه او قدر شایانکه ماضیده ، حالده اسلاطیت و علوم اسلامیه نقطه نظرندن پک بیوک اهلیتسز لکار کوستردک . بونلرک هیچ بر یسنی ده کیزله‌مک ائزدن کیز . چونکه هپسی ده میدانده . .

همیز بیلورزکه عثمانی مسلمانلرک قیلیچی پک زیاده کسکین ایدی .